

Inatsisartut suleriaasianni § 37 naapertorlugu Naalakkersuisunut apeqqutit matumuuna saqqummi-uppakka:

Apeqqutit:

1. **Nunalerineq pillugu nutaamik aaqqissuuseqqinnissamut suleriaaseq qanoq ittoq ingerlanneqassava?**
2. **Nunalerinermut tapeeriaatsit nalilersorneqarniarpat/allanngortinniarneqarpat?**
3. **Savaateqarneq nersutaateqarnerlu annertusarneqarniarpa?**
4. **Annertusaasoqassappat / annikillisaasoqassappat qanoq periuseqartoqassava?**
5. **Aatsitassarsiertoqalerpat, qanoq iliornikkut qulakkeerniarneqassava aatsitassarsiortut inuussutissatigut Nunatta pissarititaanik tunisassiortut tunisassiaanik atuinissaat?**
6. **Nunalerineq pillugu ataatsimiititaliap isumaliutissiissutaani ajornartorsiutit taakkartorneqartut qanoq pingaarnersiorlugit sulisoqarniarpa?**
7. **Nunalerinermi politikkiliortoqarniarpa?**
8. **Upernaviarsuk immikkut aaqqissuussiffingeqarniarpa?**
 - a. **Aaqqissuuseqqinniartoqanngippat sooq?**
 - b. **Aaqqissuuseqqittoqarniarpat qanoq?**

(Inatsisartuni ilaasortaq Suka K.Frederiksen, Siumut)

Tunngavilersuut:

Ukiuni kingullerni savaateqarnermi inuussutissarsiuteqartut ikiliartorput, tamanna ataasiinnarmik tunngaveqarnani assiginngitsunik tunngaveqarpoq, peqqutaasut nunalerinermi ataatsimiititaliap isumaliutersuussutaani allaaserineqarput.

Savaateqarnermik nunalerinermilu ikiliartortumik aallariarneq politikkikut anguniakkamut naapertuutingilaq, toqoraavik nutaaq akilersinnaasumik suliffissaqartitsinikkut aningaasarsiornikkullu ingerlanneqassaguni sapinngisamik tamakkiisumik atorneqarnissaa pisariqarpoq, soorluttaaq savaateqarnermik nersutaateqarnermik inuussutissarsiuteqartut pisariaqartikkaat inuussutissarsiutertik sapinngisamik tamakkiisumik atorluarnissaat.

Politikkikut anguniagaqarnitsinni nunalerinermi politikki pillugu ingerlaavartumik ersarissaasarnisaq pingaaruteqarpoq, malitsigisaanillu aquutitut atorlugu ingerlatsiviusariaqartoq.

Nunalerineq pillugu ataatsimiititaliap isumaliutissiissutaa ajornartorsiutinik tikkuartuivoq, ajornartorsiutit qaangerniarnerani aningaasarsiornikkut atukkatigullu qanoq pingaarnersiuisoqarluni ingerlatsisoqarniarnera paassisallugu pisariaqarpoq.

Nunalerineq immikkut iliuuseqarfingeqassava immaqaluunniit namminerisamik ingerlatsillugu ikiliartuinnartinneqaanassappat?

Takusinnaavarpummi ullumikkut inuussutissarsiu pitsaangitsumik killiffeqartoq, taamaattumik alloriarfissat tullii ersarissuunissaat pingaaruteqarpoq.

Nunatta aningaasaqarnikkut ilungersornitta nalaani tapeeriaatsit tamarmik nalilorsorluartarnissaat pisariaqarpoq, taamaattumik inuussutissarsiuteqartunut pingaaruteqarpoq siunissami qanoq allo-riartoqarniarnersoq paaseqatigiiffagalugu ingerlatsinissaq, tunaartalimmik siuarsaalluni ineriartortitsineq ingelateqqinneqassappat.

Apeqquuteqaatima ullut qulit suliffiusut iluanni akineqarnissat kissaatigaara.